

Avannaata Kommuni Kommunalbestyrelse-p suleriaasissaa nalinginnaasoq



Avannaata
Kommunia

Kommunalbestyrelse-p ataatsimiittarneri

§ 1. Kommunalbestyrelsep ataatsimiinneri tamanut ammasuupput. Taamaattoq Kommunalbestyrelsep suliassat ataasiakkaat matoqqasumik oqaluuserineqarnissaat akuersissutigisinnavaa, tak. Inatsisartut inatsisaat Inatsisartutlov nr. 29 af november 2017 § 9 (Aqutsinissamut inatsit).

Imm. 2. Suliassat kinguliiniittut matoqqasumik oqaluuserineqassapput:

1. Suliassat aalajangiivigineqarnissaminni inunnut tunngassuteqartunik naliliisariaqarfiusut
2. suliassat illuutunik aalaakkaasunik pisinissamik tunisinissamilluunniit ilaqartut, aamma
3. illuni suliassat pisiassallu pillugit missingiutit neqeroorutillu.

Imm. 3. Taamaattoq suliassap matoqqasumik oqaluuserineqarnissaanut tunngavissaqarnerisooq pillugu apeqqut matoqqasumik oqaluuserineqassaaq tamanna Kommunalbestyrelse-p imaluunniit borgmesterimit aalajangerneqarpat, tak. aqutsinissamut inatsit § 9.

Imm. 4. Suliassat matoqqasumik oqaluuserineqartussat sapinngisamik kingulliullugit oqaluuserineqassapput.

Imm. 5. Kialluunniit Kommunalbestyrelse-p ataatsimiinneri ammasut najuuffigisinnavaai eqqissisimasumik torersumillu pissuseqarnissamik piumasaqaateqarneq sianigalugu. Tusarnaartup oqaluuserinninnerit akornusersorpagit Borgmesterip pineqartoq imaluunniit pisariaqartinneqarpat tusarnaartut tamaasa ataatsimiinnermit qimagutsissinnavaai. Borgmesterip immikkut inissat tusagassiorfiit sinniisuisa atugassaat inniminnerisinnavaai.

Imm. 6. Kommunalbestyrelse-p ataatsimiinneri ammasut TV-mut imaluunniit radiumut immiunneqarnissaat akuersinnavaa.

§ 2. Ilaasortaq Kommunalbestyrelse-p ataatsimiinnissaani ataatsimeeqataasinnajunnaaruni tamatumingga borgmesterip ataatsimiinnissaq sapinngisamik ullunik tallimanik sioqqullugu nalunaarfigissavaa. Ataatsiminnerni ataasiakkaani ataatsimiinnerup imaqarniliornerani allanneqartassaaq ilaasortaq kina ataatsimeeqataasimannginnerisooq.

Oqaluuserisassat nassiussorneqarnerat suliassallu saqqumitinneqarnerat

§ 3. Ileqqusumik ataatsimiinnissaq kingusinnerpaamik ullunik 21-nik sioqqullugu allakkatigut suliassaq oqaluuserineqassasooq qinnutigineqarsimappat taanna siullermik ataatsimiinnissami oqaluuserisassanut borgmesterimit ilanngunneqassaaq.

Imm. 2. Ileqqusumik ataatsimiinnissaq kingusinnerpaamik ulluinnarnik tallimanik sioqqullugu oqaluuserisassanut takussutissiap Kommunalbestyrelse-p ilaasortanut tamanut nassiunneqarnissaa Borgmesterip isumagissavaa.

Imm. 3. Suliassaq ileqqusumik ataatsimiinnissami oqaluuserisassanut ilanngunneqaraangat suliassap nalilerneqarnissaanut atugassat pisariaqartinneqartut - ilaasortanut nassiunneqareersimanngikkunik - kommunip allaffianiit innutaasunit tiguneqarsinnaassapput sivikinnerpaamik ulluinnarni sisamani ataatsimiinnissaq sioqqullugu. Tamatumunnga peqatigitillugu oqaluuserisassanut takussutissiaq saqqumitinneqassaaq.

Imm. 4. Immikkut ittumik ataatsimiinnissamut ataatsimiigiaqqusinermini borgmesterip sapinngisamik suliassat suut ataatsimiinnissami oqaluuserineqarumaarnersut sukumiisumik ilaasortanut ilisimatitsissutigissavaai.

Avannaata Kommuniáni

Kommunalbestyrelse-p suleriaasissaa nalinginnaasoq



Avannaata
Kommunia

Aalajangiisinnaassuseq, ataatsimiinnerup aqunneqarnera suliassallu saqqummiunneqarnerat

§ 4. Kommunalbestyrelse-p ikinnerpaamik ilaasortat affaat peqataagunik aalajangiisinnaassuseqarpoq, tak. aqutsinissamik inatsit § 11, stk. 1.

Imm. 2. Kommunalbestyrelse-p ataatsimiinneri Borgmesterimit, taannalu pisinnaangippat tullersortaanit siullermit (aappaanit) aqunneqassapput. Borgmesterip oqaluuserinninnerup aqunneqarnera ataatsimiinnerullu nalaani torersumik pissuseqarnissaq pillugu apeqqutit tamaasa aalajangiiffigisassavai. Aammattaq immikkoortut taasiffiusussat Borgmesterip aaqjissuuttassavai.

Imm. 3. Kinaluunniit oqaaseqarumasooq Borgmesterip saaffiginnissaaq, taassumalu ilaasortat piunasaqaateqarsimasut tulleriinneri malillugit oqaaseqartittassavai. Ilaasortat arlallit oqaaseqarumallutik ataatsikkut piunasaqaateqarpata Borgmesterip oqaaseqartussat tulleriinnilissavai. Oqaaseqartut Borgmesteriunngitsumik kipitinneqassanngillat.

Imm. 4. Ilaasortap kialluunniit torersumik pissuseqarnissap malinneqarnissaa pillugu Borgmesterip aalajangiinera malissavaa. Ilaasortaq ataatsimiinnermi ataatsimi marloriarluni torersumik pissuseqarnissamik peqquneqarsimappat Borgmesterip siunnersuuteqarneratigut ataatsimiinnermi tassani oqaaseqarqissanngitsoq Kommunalbestyrelse-p aalajangersinnaavaa.

Imm. 5. Borgmesterip apeqqutit nammineq aalajangiiffigisinnaasani Kommunalbestyrelse-p aalajangiiffigisassanngortissinnaavai.

§ 5. Suliassat ataatsimiinnermi oqaluuserineqassapput Borgmesteri tulleriinnilersuina malillugu, taamaalillunilu oqaluuserisassanut takussutissiami tulleriinnilersuineq saneqqussinnaallugu.

Imm. 2. Ilaasortaq kinaluunniit ataatsimiinnerup aallartinnerani oqaluuserisassanut takussutissiaq pillugu, tassunga ilanngullugu oqaluuserisassat tulleriarneqarnerat pillugu apeqqutinut oqaaseqarnissaminik aammalu oqaluuserisassat matoqqasumi oqaluuserisassanut nuunneqarnissaannik akerlianilluunniit piunasaqaateqarsinnaavoq.

§ 6. Inatsisitigut allamik aalajangiisoqarsimangippat imaluunniit marloriarluni oqaluuserinninnissaaq Kommunalbestyrelse-p aalajangiunneqarsimangippat suliassaq ataasiaannarluni oqaluuserineqassaaq. Kommunip aqutsinissamik ileqqoreqqusaa aqutsinissamik inatsisip § 1, stk 2 naapertorlugu marloriarluni oqaluuserineqassaaq, aammattaq ukiumoortumik missingersuusiata marloriarlutik oqaluuserineqassapput.

Imm. 2. Siullermeerlugu oqaluuserinninnermi suliassap aalajangiivigineqarnissaa taasissutigineqassanngilaq, taamaallaat aappassaaneerlugu oqaluuserisassanngortinneqarnera. Suliassap aappassaaneerlugu oqaluuserisassanngortinneqannginnerani ilaasortaq kinaluunniit suliassaq pineqartoq pillugu oqaaseqarumasinnaavoq suliap aappassaaneerneqarnissaanut Kommunalbestyrelse-p aalajangiiffigineqannginnerani. Siullermeerlugu aappassaaneerlugulu oqaluuserineqarnera ullormi ataatsimi pissanngilaq. Taamaattoq aqutsinissamut ileqqoreqqusap aamma ukiumoortumik missingersuusiata siullermeerlugu aappassaaneerlugulu oqaluuserineqarnerat pissaaq aqutsinissamut inatsisip §§ 1, stk 2 malillugit ullunik 14-inik akunneqartillugit.

Imm. 3. Suliassaq marloriarlugu oqaluuserineqassatillugu siullermeerlugu oqaluuserineqarnerani pappiaqqat atorneqartut sapinngisamik ilaasortanut saqqummiunneqassapput imaluunniit taakku akornanni kaaviiartinneqassallutik.

AVANNAATA KOMMUNIA

Noah Mølgårdip Aqq. 9
Postboks 1023 - 3952 Ilulissat

avannaata@avannaata.gl
www.avannaata.gl

Tlf. (+299) 70 18 00
Fax (+299) 70 11 77

CVR: 37488909
Bankkonto: 6471-1618951

Avannaata Kommuniáni

Kommunalbestyrelse-p suleriaasissaa nalinginnaasoq



Avannaata
Kommunia

§ 7. Kommunalbestyrelse-p aalajangersinnaavoq suliassaq ataatsimiititaliap aalajangersimasup susassaqarfiinut ilaanngitsoq ataatsimiititaliat ataavaartut ilaanni oqaluuserisassanngortinneqassasoq.

Imm. 2. Kommunalbestyrelse-p isumaqarpat suliassaq Kommunalbestyrelse-p oqaluuserineqannginnermini immikkut ataatsimiititaliami oqaluuserineqartariaqartoq ataatsimiititaliaq taamaattoq pilersinneqassaaq Kommunalbestyrelse-p suliassami tassani aalajangiinera malillugu amerlassuseqartunik ilaasortaartoq.

Imm. 3. Immikkut ataatsimiititaliaq nammineq Borgemsterimik qinersisussaq allaganngorlugu nassuiaasiusaaq Borgmesterip ingerlatinneqartussamik, taassumalu taanna Kommunalbestyrelse-p ilaasortaanut agguaatissavaa.

Oqaluuserinninnerni taasinernilu ilaasortat peqataanissaat

§ 8. Ilaasortat ilaat suliassami aalajangersimasumi inuttut ima soqutigisaqartiginersoq, suliassamillu taassuminnga Kommunalbestyrelse-p oqaluuserinninnerani taasineranilu peqataanngitsoortariaqarnerasoq, Kommunalbestyrelse-p aalajangiiffigissavaa. Taamatut pisoqartillugu suliassap saqqummiunneqarnerani, oqaluuserineqarnerani taasissutigineqarneranilu pineqartup ini ataatsimiiffik qimassavaa.

Imm. 2. Ilaasortap pissutsinik suliassanilu aalajangersimasuni inuttut soqutigisaqarnini pissutigalugu ataatsimiissutiginninnerni taasinernilu peqataasinnaanerminut nalornisoornartoqartillugu Kommunalbestyrelse-p ilisimatissavaa.

§ 9. Kommunalbestyrelse-p taasinerini ilaasortat peqataagunik aatsaat taaseqataasinnaapput takuuk Suleriaatsip § 4, imm. 1-a. Kommunalbestyrelse-p ilaasortamit qinnuteqartoqarneratigut aalajangiisinnaavoq ilaasorta qoqarasuaat isiginnaarutilluunnit atorlugit ataatsimiinnermut taaseqataalluni peqataasinnaasoq

Taasinerit, allannguutissanut aamma ilaannakortumik allannguutissanut siunnersuutit

§ 10. Taasinerit ingerlanneqassapput ilaasortat nappaanerisigut imaluunniit tamanut nalunaarutiginerisigut.

Imm. 2. Inatsisitigut allanik maleruagassaqaqanngikkaangat aalajangiinerit tamarmik amerlanerussuteqarnikkut aalajangiivigineqartassapput.

Imm. 3. Borgmester isumaqaruni suliassap qanoq inaarneqarnissaa ima nalorninaatsigisoq taasissutigineqarnissaa pisariaqarani tamanna oqaatigissavaa suliassap qanoq inaarneqarneratut isummani oqaatigitiigalugu. Taassuma kingorna ilaasortat arlaannaalluunnit taasinissamik piumasaaqateqanngippat Borgmesterip oqaatigisinnaavaa suliassaq naammassineqartoq inaarneqarneratut isummani naapertorlugu.

Stk. 4. Taasineq allattuilluni taasiffilerluni ingerlanneqassaaq, tamannalu Borgmesterimit isumagineqassaaq tunniunneqarlunilu ilaasorta qataseq amerlanerilluunniit piumasaaqateqarpata.

§ 11. Allannguutissatut aamma ilaannakortumik allannguutissatut siunnersuutit saqqummiunneqarsinnaapput taasinissaq pitinnagu, siunnersuutillu taamaattut suliassat marloriarlugit oqaluuserineqartussat siullermeerlugit oqaluuserineqarneranni saqqummiunneqartariaqaratilluunniit ilimasaarutigisariaqanngillat, taamaattoq tak. § 1 imm. 2.

Avannaata Kommuniáni

Kommunalbestyrelse-p suleriaasissaa nalinginnaasoq



Avannaata
Kommunia

Imm. 2. Suliassat marloriarlutik oqaluuserineqartussat eqqarsaatigalugit Kommunalbestyrelse aalajangersinnaavoq allannguutissatut aamma pissutsit tunngavigalugit ilaannakortumik allannguutissatut siunnersuutiniq saqqummiussinissamut piffissaliisoqassasoq, taamatut pisoqartillugu piffissarititaasup qaangiutereerneratigut saqqummiussisoqarsinnaanngilaq.

Imm. 3. Allannguutissatut aamma ilaannakortumik allannguutissatut siunnersuutit aappasaaneerlugu oqaluuserinninnissaq sioqqullugu ilaasortanut ilisimatitsissutigineqarsimangippata oqaluuserinninnerit aallartinneranni Borgmesteri siunnersuutit pillugit nalunaaruteqassaaq, taakku saqqummiunneqarsimappata. Borgemsterip aalajangissavaa allannguutissatut siunnersuutit qanoq tulleriinneqarlutik taasisutigineqassanersut, taakku taasisutigineqartassapput siunnersuutigineqaaqartoq taasisutigineqartinnagu.

Imm. 4. Ataatsimiititaliamik pilersitsinissamik, ataatsimiititaliamut siusinnerusukkut pilersinneqareersimasumut suliassap innersuunneqarnissaanik imaluunniit ataatsimiititaliami nangillugu suliarineqarnissaanik siunnersuutit saqqummiunneqarsinnaapput suliassap taasisutigineqarnissaa pitinnagu. Suliassap oqaluuserineqarnera aallartinneqareersoq siunnersuutit taamaattut saqqummiunneqarpata suliassap oqaluuserineqarnera unitsinneqassaaq, Kommunalbestyrelse-p aalajangiiffigissavaa suliassaq ataatsimiititaliami oqaluuserineqassanersoq.

Amerlanerussuteqarnikkut qinersinerit

§ 12. Borgmesterimik, inunnillu ataasiakkaanik allanik qinersinerit, taakkununga ilanngullugit kommunimi suliussanik atorfinitsitsinerit, ingerlanneqassapput amerlanerussuteqarnikkut qinersinertut.

Imm. 2. Amerlanerussuteqarluni qinersinikkut qinigaassaaq qinigassaq taasinerit affaanit amerlanerusunit (taasinernik amerlanerpaanik) taaneqartoq. Qinigassaq taasinerit affaanit amerlanerusunit taaneqanngippat qinigassat marluk amerlanerpaanik taaneqarsimasut akornanni aalajangersimasumik qinersisoqassaaq, aalajangersimasumik qinersisoqarnerani taasinerit amerlaqatigiippata amerlanerpaamik taaneqartut akornanni marluk qinigassanngortinneqassasut makitsinikkut aalajangerneqassaaq. Tassani taasinerit amerlaqatigiippata makitsinikkut aalajangiineqassaaq.

Qanoq amerlassuseqarneq tunngavigalugu qinersinerit

§ 13. Kommunalbestyrelserini kommissionini siulersuisuni taamaaqataannilu ilaasortassanik marlunnik amerlanerilluunniit Kommunalbestyrelse-p qinersineri ingerlanneqassapput qanoq amerlassuseqarneq tunngavigalugu qinersinertigut.

Imm. 2. Qanoq amerlassuseqarneq tunngavigalugu qinersinerit ingerlanneqassapput imatut: Kommunalbestyrelse-mi ilaasortat immikkoortunut agguaatissapput qinersinissami pineqartumi qanoq taasiumanerlutik Borgemsterimut nalunaaruteqarsimanertik malillugu. Immikkoortut ataasiakkaat ilaasortaat agguarneqassapput 1-imik, 2-mik 3-mik il.il. Taakku malillugit amerlassuseq malillugu tulleriinnilerlutik immikkoortut sinniisuutitassatik qinertassavaat. Amerlassutsit marluk amerlanerilluunniit amerlaqatigiippata qanoq tulleriinneqarnissaq makitsinikkut aalajangerneqassaaq. Immikkoortut ataasiakkaat sinniisuutitassatik naammatsillugit aalajangiiffigereerunikkut piaartumik Borgmesterimut nalunaarutigissavaat kikkut toqqarneqarsimanersut. Immikkoortup sinniisuutitassani

Avannaata Kommuniáni

Kommunalbestyrelse-p suleriaasissaa nalinginnaasoq



Avannaata
Kommunia

ataaseq arlallilluunniit toqqanngitsoorsinnaavai. Taamatut pisoqartillugu inissat inuttalerneqanngitsut immikkoortut allat akornanni siuliani taaneqartutut inuttalerneqassapput.

§ 14. Kommunalbestyrelse-p ataatsimiinnerini aalajangiinerit allanneqassapput Kommunalbestyrelse-p allattaanit aalajangiinernut imaqarniliami. Borgemsterip oqaatigissavai suut allanneqassanersut.

Imm. 2. Ilaasortaq kinaluunniit piunasaqarsinnaavoq isummani allaasoq naatsumik imaqarniliami allanneqaqqullugu, tak. aqutsinissamut inatsisip § 16-ia.

Imm. 3. Aalajangiinernut imaqarniliaq ataatsimiinnerit naammassinerini, allanneqarsimasut atuarneqareeraangata, ilaasortanit ataatsimeeqataasimasunit tamanit atsiorneqassaaq. Ilaasortat taasisimanertik imaluunniit pissutsit allat innersuutigalugit aalajangiinernut imaqarniliaq atsiorumanngissinnaanngilaat.

Imm. 5. Imaqarniliap atsiorneqarneraniit kingusinnerpaamik qaammat ataaseq qaangiuppat ammasumik matoqqasumillu ataatsimiinnermi imaqarniliap nuutinnera Naalackersuisunut Nakkutilliisoqarfimmullu Siulittasumit nassiunneqassaaq.

§ 15. Ilaasortaq kinaluunniit suleriaasissami aalajangersakkat qanoq paasineqarnissaannik Borgemsterip aalajangiinera malissallugu pisussaataavoq, apeqqutilli Kommunalbestyrelse-p tullianik ataatsimiinnissaani saqqummiunneqarsinnaatitaapput.

Suleriaasissami allannguutit

§ 16. Suleriaasissaq manna atortuulersinneqarpoq ulloq 14. marts 2018.

Taamaalilluni akuersissutigineqarpoq Kommunalbestyrelse-p ataatsimiinnerani ulloq 14. marts 2018

Palle Jerimiassen

Borgemester, Avannaata Kommuniáni Kommunalbestyrelse